

55  
~~23~~

*D. O. M. D.*  
DISSERTATIONIS,  
PARADOXAM OPINIONEM  
DE  
INDIFFERENTISMO  
RELIGIONUM  
EXAMINATURÆ,  
PARS POSTERIOR,

QUAM  
Consensu Ampliss. SENAT. Philos. in Reg. Acad. Aboënsi,  
PRÆSIDE

MAG. JOHANN E  
BILMARK,

HIST. & PHIL. PRACT. PROF. REG. & ORDIN.

PRO GRADU

Publice Defendet

GEORGIUS WINTER,

V. D. M. WIBURGENSIS.

IN AUDITORIO MAJORI DIE X. JUNII ANNI MDCCCLXIX,  
Horis Ante Meridiem Consuetis.

ABOÆ, Impressit JOH. CHRISTOPH. FRENCKELL.

KONGL. MAJTS.  
TRO-TIENARE  
Och  
LANDS-SECRETERARE,  
Wälädle  
**H.R. JOHAN WILHELM  
MEINANDER,**

KANSALLIS-  
KIRJASTO

**C**å brinnande min åboga stådse varit, at en gång få al-  
månt betyga min innerliga erkånsfa emot en VÅRD  
GYNNARE, Hvurs förtjenster emot mig åro så många,  
som märckeliga; så glad nyttjar jag närvarande tilfälle  
dåtill. Om detta mitt lilla Academiska arbete, bvilcket  
jag, som et ringa tacksambets prof emot åtniutna stora  
vålgårningar Herr LANDS-SECRETERAREN upoffrar,  
gunstigt ansedt blifver; så bar jag fullkomeligen vunnit  
min önskan. Den Högste unne Herr LANDS-SECRETE-  
RAREN en lång och med all sällhet bekrönt lefvad, det  
Allmåanna til gagn, Herr LANDS-SECRETERAREN  
Värda Hus til understöd, och mig til en beständig bugnad!  
Jag framhärdar med vördnad

Wälädle Herr LANDS-SECRETERAREN

Ödmjuke tjener,  
GEORG WINTER.

❧      ❧      ❧

§. VIII.

**B**onitati Divinæ omnino conveniebat, certam credendorum & agendorum normam hominibus præscribere. Quum enim DEus sit optimus, in creaturas quoque suas bona quævis, quorum capaces sunt, conferre & vult vi bonitatis suæ, & potest vi omnipotentiaæ suæ. Enimvero quum sapiens, qui vult finem, media quoque eidem obtinendo inservientia velle censendus sit, & DEus voluntati efficaci desideret felicitatem hominum tam temporalem quam aeternam, media quoque illis monstravit, & Suæ Majestati & humanæ indoli congrua, quibus uti debent, ne votis suis excidant. Enimvero aut indifferens plane fuit, quæcunque media artipiat homo, ad felicitatem contendens, aut hæc certa erunt, uniformia atque fini obtinendo proportionata. Prius arguit vel casui fortuito omnia esse committenda, qui quum nullum præstruat intellectum, nedum perfectissimum, summo ac sapientissimo rerum Moderatori convenire nequit; vel quod homini sufficiat, qualemcunque obrineat felicitatem, quoniam a mediis quasi coloratur finis. Quocirca quum felicitatis speciem multa mentiantur; indifferens quoque erit, utrum homo post hanc vitam felicitatem veram consequatur, vel etiam in omnium calamitatum barathro aeternum hæreat; quam indifferentiam ne ipsos quidem Indifferentistas probaturos existimo. Posterius autem sicut nullis laborat difficultatibus, sed sapientiæ & bonitati Divinæ optime convenit; ita sequitur, DEum certam credendorum & agendorum normam hominibus præscriptissime. Ulterius quum DEus sit infinitus, ratio autem nostra sit admodum limitata, ineptus plane est labor, ad curtam intellectus humani

ni decempedam immensam Magnalium Divinorum abyssum exigere velle: attamen quum DEus, qui ipsa est veritas, talia nobis in nostram salutem manifestaverit, fidem dictis ejus absque omni hæsitatione habere debeimus: adeoque norma credendorum adeo certa est, ut ne quidem per exactissimas demonstrationes Geometricas ad illum certitudinis gradum ascendere liceat.

## §. IX.

Hinc igitur rursus apparet, *quantum rationi repergnent Indifferentiarum placita*. Quum enim DEus certainum credendorum & agendorum normam hominibus prescripserit §. VIII; quumque indifferens respectu DEi dicatur id, cuius etiam contrarium velle potest: ergo si Indifferentismus Religionum sibi constaret, DEus quemcunque sui cultum probaret, nec requireret, ut homines observarent normam, quam ipsis prescripsit, quod absurdum esse, quisque animadvertisit. Ulterius quum finis omnium rerum generalis sit manifestatio gloriae Divinae, quumque respectu DEi nihil sit bonum, nisi quod omnia ejus attributa referat; ergo, si Indifferentismus modo dictus DEo probaretur, prono fueret alveo, DEum his contraria non prorsus improbare. Parum igitur curaret, utrum aliquid ad suam gloriam tenderet, vel non; utrum actiones hominum attributis Divinis essent conformes, vel ab ipsis discrepant, adeoque incuria, quin & imperfectio in DEum perfectissimum caderet. En! igitur in quam inextricabiles absurditatum labyrinthos se conjiciant Indifferentistæ. Patet ergo, quod DEo Indifferens esse non possit, quamcunque creatura rationalis profiteatur Religionem. Delectetur itaque Dominus VOLTAIRE, & blandam animo concipiatur voluntatem, quando DEum, ceu optimum patrem familias tibi representat, qui singulis suis liberis ubicunque terrarum

rarum & quomodocunque vixerint, æqualiter benefacit; attamen sicut hicce character non convenit bono ac cor-dato Principi; ita idem multo minus in supremum Nu-men quadrat. Quemadmodum enim exitiosa foret illi-us indulgentia, si fronte æque serena adspiceret cives tam leges ob-servantes, quam qui ferociæ cristas ita erigunt, ut, missis legibus, ad suum tantummodo bene-placitum vitam componant, quamvis de cætero utrique caveant, ne tranquillitatem publicam convellant; ita multo minus justissimus DEus ferre potest homines, qui se imperio ejus subducunt, & cum contemtu legum, ab ipso benignissime latarum, sibi ipsis fingunt regulas, quibus convenienter se gerere velint; licet de cætero ab enormibus caveant sceleribus, & placidam degant vitam civilem.

## §. X.

Præterea, licet Indifferentistæ fundamenti loco po-nant amorem DEi atque aliorum; attamen si ipsorum opinionem ad vivum resecemus, deprehendemus, quod fucum solummodo speciosa hac propositione faciant simplicioribus. Quamvis enim amor in se sit affectus bonus, attamen nisi in illius exercitio certus observe-tur ordo, benignam indolem facile mutari. Sicut igitur amoris proprium est, ut quisque ad personæ amatae be-neplacitum sese componere, ejusque perfectiones, si modo fieri possit, augere studeat, ita necessarium omnino est, indagare, qua ratione ejus gratiam demererí queat, ne optime cogitata pessime cadant. Quum igitur homo quilibet, imprimis vero Christianus, DEum, in quo o-mnis bonitatis, omnis pulcritudinis & omnis amabilitatis radix sita est, super omnia amare teneatur, amor au-tem vel brutus vel nullus potius esset, nisi homo mo-

tivis ducatur, & sibi perspecta habeat officia, objecto amoris præstanta, sequitur quod rite cognoscet tam motiva amoris DEi, quam etiam officia supremo Numini exhibenda. Quod si vero Indifferentismus Religionum admittatur, necesse est, simul admittere, perinde esse, quam & qualem cognitionem sui Conditoris habeat homo, quoniam ut noto notius est, Religiones in dogmaticis immane quantum a se invicem discrepant; unde hæc etiam macula Moralibus adspergeretur, nihil scilicet referre, qualia officia DEo exhibeamus; siquidem motiva præstandorum officiorum petenda sint ex ipsa doctrina de DEo, rebusque Divinis. Qui ergo genuinam de DEo & rebus Divinis notionem non habet, is nec genuina amoris motiva habet, quare DEum nec recte amat nec debito modo colit. Denique dum cogitamus, quam diversus sit diversarum Religionum habitus, quod aliae inevitabili fato omnia subjiciant, aliae foedissimis etiam flagitiis patrocinentur, aliae virtutes ac vitia in tenui ponant discriminé; oppido patebit, quantum per æquipollentiam vel Christianarum solummodo Religionum officia nobis & aliis præstanta pervertantur.

## §. XI.

Sed excutiamus adhuc loculos Indifferentismi, ut appareat, quid mali idem in recessu habeat. *Per Indifferentium igitur Religionum obtunduntur conscientiae nostra simul.* Quum enim Indifferentismus modo nominatus inferat æquipollentiam Religionum, hæc autem involvat æquipollentiam de agendis & omittendis; quum etiam vel intra circum Christianum dentur talia Religionum placita, quibus statuitur, DEum sanctissimum nunclari hominum peccata, quod nonnulla horum sint in se & ex sua natura plane venialia, adeo ut in foro Di-

vino nulla indigeant expiatione, satis appareat, quod per Indifferentismum moralitas plerarumque actionum tollatur. Enimvero Conscientia est judicium animæ practicum de moralitate actionum, quare si vel nulla sit moralitas actionum, vel ipsa dependeat ab exemplo & auctoritate quorundam hominum, quod paradoxon per Indifferentismum Religionum erit admittendum, vana quoque erit conscientia, vani terrores & cruciatus, quos intra pectorum suorum sepimenta post commissa flagitia sentiunt maleferiati, vana denique vel imaginaria voluptas, quam experiuntur, etiam inter adversitatum frangores, quotquot virtutibus sedulam navant operam. Sed quum haec omnia dictante ratione ac comprobante experientia sint admodum certa, vanus erit Religionum Indifferentismus.

## §. XII.

Neque illud hoc loco erit silentio prætereundum: quod per Indifferentismum Religionum introducatur DEismus, Religionis ac virtutum pestis. Notum enim est, quod inter crassiora DEistarum placita hoc sit, quod DEus non curet, utrum colatur, an non, tum etiam, quo modo DEi cultus instituatur. Sed haec præcise urgent Indifferentistæ, existimantes, singulos DEi cultus esse plane æquipollentes. Præterea quis nescit, quod dentur Religiones, in quibus statuitur, DEo supremo rerum Moderatore plane indignum esse, omnium rerum curam agere, aut quis ignorat, quod etiam inter Christianos fuerint, qui sibi aliisque persuadere sint conati, Providentiam Divinam ad generum quidem & specierum conservationem sese extendere, non autem ad singula individua pertinere? Haec autem dogmata cum vera notio ne Providentiae Divinae nequaquam consistere possunt, sed ipsam convellunt. Deinde si quis contendat, vel haec tantum

tantum de universalis Indifferentis valere, vel paucorum solummodo hominum ista esse placita, ab integris Ecclesiis non recepta, hoc ipsum praefracte non negabimus; attamen nobis vicissim concessum iri speramus, quod nonnullæ etiam Christianæ Ecclesiæ, talia de præscientia ac providentia Divina soveant dogmata, quæ & bonitate Divina sunt indigna, & libertati hominum concreatae haud convenient, verbo quæ perversa sunt. Sed perverse de DEo ejusque operationibus sentire, quum meliora quis discere posset, perinde est ac supremi Numinis actus negare. Ergo rursus sequitur, quod Indifferentismus Religionum valeat ad tollendam DEi Providentiam; ex qua tamen præcipua & fortissima actionum nostram motiva sumuntur.

## §. XIII.

Argumentis in medium hactenus allatis addamus, quod *Indifferentismus Religionum latum pandat viam ad Atheismum*. Sicut enim ex Physica constat, quod dum duo corpora, præcipue vero duo sic dicta menstrua contrariae indolis inter se miscentur, hæc adeo violenter inter se agant, ut alterum ab altero destruatur; sicut etiam in civilibus species quædam destructionis est confusio negotiorum atque actionum, qua sit, ut florentissimæ pridem societates brevi tempore satificant & evertantur; ita per admissam Religionum æquipollentiam & hinc sequam earum permixtionem fieri nequit, quin oppositorum dogmatum alia tollantur ab aliis, quæ scena tamdiu luditur, donec solum Religionis nomen vel umbra supersit, ipsa vero substantia dispereat. Si enim Religiones in se sint æquipollentes, DEus etiam singulis æqualiter delectatur; unde, quod horrendum dictu, sequitur, DEum ipsum Religionem flocci facere; quo admisso, pauci erunt, qui omnem Religionem ludibrio non

3) 9 ( 3 )

non haberent. Quis nescit dictum, quod circumfertur,  
POIRETI, egregium scilicet, quod *discrepancia Religionum majoris fieri non debeat, quam vestrum; & disputare de unius Religionis præstantia præ altera, est felium-mosse litigare*, (es ist ein katzen-Getzanke). En quorsum malefanus Indifferentismus perducit homines. An Atheismo magis quidquam simile? Sed ut nexus Indifferentismi atque Atheismi clarus patescat, observanda est communis hujus divisio in *Theoreticum & Practicum*. Ille in eo consistit, quod talia admittantur dogmata, ex quibus haud operose sequitur aliquid, quod existentiam DEi convellit. Hic autem eo tendit, ut flagitiis quibusvis obſtetricetur, veniam hominibus indulgens ita vivendi, quasi nullum esset Ens supremum, quod sua lege actiones eorum determinaret. Quapropter cum Indifferentistæ supponant, coram DEo perinde esse, quam Religionem quis profiteatur, quumque perversæ de DEo dentur opiniones, ipsi etiam supponunt, DEum bonis & malis placitis atque actionibus æqualiter delectari. Sed voluptatem ex malo capere involvit maximam imperfectionem, siquidem talis hypothesis infinitæ sanctitati repugnet. Quicunque autem supponitur DEus, cui non competit infinitæ & quidem omnes possibiles perfectiones, is DEus non est; atqui prius ex principiis Indifferentiarum sequitur; ergo etiam ipsum placitis adfigendum erit absurdorum absurdissimum, quod scilicet DEus non existat: adeoque Indifferentismus dicit ad Atheismum Theoreticum. Præterea quum ex Religionum Indifferentismo sequatur, quod DEus non curet, utrum colatur vel non; hinc porro colligitur, hominem virtutibus continuo studentem incassum laborare, & proinde supervacaneo Religionis exercitio supersedere posse. En! igitur hypothesin *Irreligionariis omnibus*, qui vitiis

dediti sunt, perquam arridentem. Quare quum nexus inter illas res esse dicatur, quarum una in se continet rationem alterius, ex allatis sequitur, quod inter Indifferentium & Atheismum Practicum detur nexus. Qui enim actionum omnium Indifferentiam respectu DEi statuunt, illi non poslunt non turpisimis quibusvis cupiditatibus frena laxare & vitiorum luto fere volutare; interea cogitantes: *Quæ supra nos, nihil ad nos.* Immo homo secum reputans mox animadvertisit impossibilitatem Indifferentismi. Quum enim Religio generatim spectata consistat in modo colendi DEum, cognitum; diversæ erunt Religiones, quibus DEus & ejus perfectiones vario modo cognoscuntur; sicut vera est illa, quæ ex accurata de DEo cognitione ejusque perfectionibus deducitur. His præmissis, ponamus jam diversas Religiones esse æquipollentes, quod Indifferentistis placet, DEus erit aut mutabilis, siquidem cognitio de DEo, diversa licet atque opposita, ipsius perfectionibus esset conformis; aut si immutabilis, possent oppositæ de DEo ejusque perfectionibus opiniones simul consistere, adeoque eadem possent esse simul falsæ & veræ seu non falsæ. Sed prius recordiam Atheistarum sapit, posterius in principium contradictionis impingit. Ergo Indifferentismus est impossibilis.

## §. XIV.

*Insuper per Indifferentium Religionum tollitur certa spes vitæ æternæ aliquando obtainendæ.* Quum enim per Indifferentium modo dictum existat confusio quædam diversarum Religionum §. XIII; ex hac necessario oriatur Eclipsis cognitionis humanæ in salutis negotio, adeo ut partim nesciamus, partim non curemus media, sine quibus salus æterna obtineri nequit, & proinde multo minus

minus convenienti modo eadem adhibeamus; sed nisi media salutis rite cognoscamus & cognitis utamur, tam impossibile est felicitatem æternam consequi, ac fieri nequit ut quis gravi morbo decumbens sanitatem recuperet, rejectis salubribus pharmacis. Si dicant Indifferentistæ, media, quæ nobis tradit revelatio, minoris esse momenti, non solum fallunt & falluntur, sed DEum etiam maxima adficiunt injuria, qui Filiū suū unigenitū pro salvando genere humano in mortem non tradidisset, si lytro minus pretioso infinitæ ipsius justitiae satisfieri potuisset. Quid? Quod dentur Indifferentistarum nonnulli, qui adeo præter rationem sapiunt, ut contendere non dubitant, animam esse mortalem, aut ad minimum nihil certi de animæ immortalitate nobis constare; sed quo placito in principia Psychologica graviter impingunt; simul tamen produnt, quod si per ipsos staret, spem oranem salutis hominibus præciderent.

## §. XV.

Tandem ab Indifferentismo Religionum ipsa natura abhorrere videtur. Quis enim historiæ adeo est ignarus, ut nesciat, quod ipsi etiam Gentiles, quamvis vix creperam de DEo rebusque Divinis habuerint notitiam, in religione tamen, in qua fuerunt instituti, ita persistierint, ut se ipsos & omnia, pro avicis sacris defendendis devovere non dubitaverint. Sicco jam præterimus pede, quod cruenta tamen sui vestigia reliquit, bellum illud, quod antiquis Græcis *sacrum* dicebatur, quodque reliquii Boeotiarum populi Phocensibus intulerunt ob vastatum templum Apollinis, Delphis exstructum, quum prælium potius pro recuperando thesauro, quam Religionem conservanda, gestum tunc fuisse,

quis

quis dicere posset, licet verisimile sit, quod utrumque intenderint Boeotii; nemo tamen ignorat, quam pertinaciter cum aliæ gentes tum Hyperboreæ superstitiones Gentilitias defenderint, adeo ut Sacerdotes Pontificii ad illarum animos flectendos coacti plerumque fuerint uti Logica Tormentaria & jure Canonico. Historia etiam Gentium Americanarum tristissimorum ejusmodi exemplorum plena est. Neminem enim, speramus, fugiunt diuturna illa pariter atque exitialia bella, quæ inter Mexicanos & eorum finitimos ad irruptionem usque Hispanorum immani rabie gesta sunt, illis Vizlipustium cultum cum nefariis ritibus atque sacrificiis obtrudentibus, his autem repugnantibus, & admittere detrectantibus. Similiter in America Meridionali Peruani cum suas superstitiones a vicinis adoptari vellent, hi vero istis molinibus refragarentur, integris sacerulis bella gesta fuerunt. Quum igitur Gentiles non permittant, ut superstitiones superstitionibus misceantur, ne avitis sacris hac mixtura pretium decadat; quanto magis Christianis curæ cordique esse debet, ut vera religio sarta teataque maneat, nec per speciosam Religionum aquipollentiam detrimentum quoddam capiat.

## §. XVI.

Essent quidem in proposito argumento plura adhuc adferenda, sed temporis aliarumque circumstan-  
tiarum rationem habituri heic subsistere cogimur, post-  
quam plene ceu existimamus, ostendimus quam para-  
doxa sit Indifferentiarum hypothesis. In exitu autem par-  
tim monemus homines, ut cogitent, quod si Indiffe-  
rentismus in rebus domesticis maximam pariat confusi-  
onem & familiam turbet, immo saluti Reipublicæ sit ini-

inimicissimus; multo magis indifferentismus Religionum  
salutis nostræ negotium penitus disperdet, & exercitium  
vera pietatis sufflamminabit, partim animitus pre-  
camur, faxit Benignissimum Numen, ut vera Religio,  
nullis indifferentismi nebulis obscurata, tanquam  
coruscans Phosphorus ad consummationem  
usque sæculi nobis luceat!!

---

AUCTORI Clarissimo.

**P**rodeunte in lucem TUO, FRATER Optime, altero jam  
specimine Academico, quam inde percepti, lætitiam non  
potui quin publice testarer. Accedit hanc, quo nos junxit  
DEus & natura, dulce Fraternitatis vinculum. Etenim  
nobis uti a tenera usque ætate omnia fuere communia, ita for-  
tuna ridente, una risimus, eadem minante, una luximus. Viam  
quam cœpisti, contemtis uti bucusque ita posse bæc fortunæ  
minis infeste; virtutem atque studia unice habe in deliciis,  
& persuasus sis, illam fibi ipsi jucundissimam esse merce-  
dem, bæc vero miram secum ferre voluptatem. Ego quod  
sincerissime opto, confido fore, ut Summum Numen ca-  
naticus Tuis benestissimis successis lætos felicesque lar-  
giatur.

Fraterna manu posuit  
HENRICUS JOHANNES WINTER.

Clarissime Domine CANDIDATE.

Cum alterum jam Te moliri & propediem esse editurum eruditionis Tuæ publicum specimen resciisse, non potui sane ab animo id meo impetrare, ut in tanta bonorum omnium lœtitia & amicorum præcipue unanimi congratulatione, solus ego filerem, solus viderer ingratus inique immemor officii. Vulgato fertur proverbio, non esse opus verbis, ubi rerum adsumt testimonia; nec est ergo, cur multus hic sim in erectioris ingenii TUI documentis celebrandis, atque probitate optimis conspicua moribus prædicanda. Quæ omnia non ut nunc divulgarem palam, sed ut dudum & communiter nota esse TIBI gratulaver, hocce, in baud ita pridem Præceptorem, pietatis meæ indicium, paucissimis ad Doctissimæ Tuæ Dissertationis calcem lineis adpositis, exstare volui. Istaec matre esto virtute, Fautor & Amice Aestimatissime, quaque capisti via feliciter perge. Debita virtuti præmia nec deesse TIBI sinet Iustus DEUS atque in probos Munificus & Liberalis, nec optare ex animo & sinceris ab eodem Optimo Maximo rerum omnium Moderatore votis expetere unquam intermittet

Tunc totus

CAROLUS FREDERICUS HOLM.

Borgoæ D. X:mo Calend.

Iunii, An. MDCCCLXIX.